

«Ўзэкспомарказ» Миллий кўргазма компанияси»

акциядорлик жамияти Кузатув кенгашининг

2022 йил 19 августдаги мажлиси қарори билан

«ТАСДИҚЛАНГАН»

М.Ў.

**«ЎЗЭКСПОМАРКАЗ»
МИЛЛИЙ КЎРГАЗМА КОМПАНИЯСИ»
АКЦИЯДОРЛИК ЖАМИЯТИ
КУЗАТУВ КЕНГАШИ ҲУЗУРИДАГИ
КОРРУПЦИЯГА ҚАРШИ КУРАШИШ
ВА ЭТИКА ҚЎМИТАСИ
ТЎҒРИСИДА»ГИ НИЗОМ**

Тошкент шаҳар - 2022 йил

I. Умумий коидалар

1.1. Мазкур Низом (кейинги ўринларда – Низом) Ўзбекистон Республикасининг «Акциядорлик жамиятлари ва акциядорларнинг хукуқларини ҳимоя қилиш тўғрисида»ги Қонунига, Ўзбекистон Республикаси Президентининг «Тадбиркорлик мухитини яхшилаш ва хусусий секторни ривожлантириш орқали барқарор иқтисодий ўсиш учун шарт-шароитлар яратиш борасидаги навбатдаги ислоҳотлар тўғрисида»ги 2022 йил 8 апрелдаги ПФ-101-сон Фармонига, Вазирлар Маҳкамасининг «2021-2025 йилларда давлат иштирокидаги корхоналарни бошқариш ва ислоҳ қилиш стратегиясини тасдиқлаш тўғрисида»ги 2021 йил 29 мартағи 166-сон қарорининг 1-иловаси билан тасдиқланган «2021 - 2025 йилларда давлат иштирокидаги корхоналарни бошқариш ва ислоҳ қилиш стратегияси»га, «Ўзэкспомарказ» МКК» АЖ (кейинги ўринларда – Жамият) Уставига, Корпоратив бошқарув кодексига, Кузатув кенгаши тўғрисидаги Низомга ва бошқа норматив-хукуқий ҳужжатларга мувофиқ ишлаб чиқилган бўлиб, Жамият Кузатув кенгаши хузуридаги Коррупцияга қарши курашиш ва этика қўмитасининг (кейинги ўринларда – Кўмита) хукукий мақомини, таркибини, ваколатларини ва унинг ишлаш тартибини белгилайди.

1.2. Жамиятнинг энг муҳим масалаларни кўриб чиқиш ва Жамиятнинг Кузатув кенгашига тавсиялар тайёрлаш учун Жамият Кузатув кенгашининг қарори асосида Кўмита ташкил этилади. Кўмита Жамият Кузатув кенгашининг доимий фаолият юритувчи ишчи органи ҳисобланади.

1.3. Кўмита Жамият ва жамият акциядорлари манфаатларини кўзлаб иш олиб боради, хусусан, Комплаенс-назорат хизмати - коррупцияга қарши ички назорат тизими ва этика масалаларини тўғри ташкил этишда ҳамда ушбу соҳаларда ҳалқаро сифат назорати стандартларини жорий этишда Кузатув кенгаши ваколатлари доирасида амалий ёрдам кўрсатади.

1.4. Кўмита Жамият Кузатув кенгашига тўлиқ ҳисобдордир ва мазкур Низомга мувофиқ Жамият Кузатув кенгаши томонидан унга бериладиган ваколатлар доирасида иш олиб боради. Кўмита қарорлари Жамият Кузатув кенгаши учун тавсиявий характерга эга бўлади.

1.5. Кўмита ўз фаолиятида Ўзбекистон Республикаси Қонунчилигига, Жамият Уставига, Жамият Кузатув кенгаши тўғрисидаги Низомга, Жамият Кузатув кенгаши қарорларига, мазкур Низомга ва бошқа ички ҳужжатларга амал қиласида.

1.6. Кўмита фаолиятини молиялаштириш Жамият маблағлари ҳисобидан Кузатув кенгаши билан келишилган ҳолда амалга оширилади. Зарур ҳолларда, Кўмита ҳаражатлар сметасини тузади ва у Кузатув кенгаши томонидан тасдиқланади.

1.7. Мазкур Низомда белгиланмаган атамалар амалдаги Жамият Уставида ва Жамият Кузатув кенгаши тўғрисидаги Низомга, жамиятнинг бошқа ички меъёрий ҳужжатларида келтирилган маънода фойдаланилади.

II. Қўмитанинг мақсад ва вазифалари

2.1. Қўмита жамиятда самарали иқтисодий хавфсизлик тизими, яъни ички назорат, фирибгарликка, пора олишга қарши қурашиш, амалдаги қонунчиликни бузиш билан боғлиқ сусистемолликнинг олдини олиш ва қуидаги масалалар бўйича жамият Кузатув кенгашига тавсиялар ишлаб чиқиш, таҳлил қилиш ва тақдим этишдан иборат:

- комплаенс-хатарлар, халқаро стандартлар ва коррупцияга қарши қурашиш, манфаатлар тўқнашуви ва бошқа умумий масалалар;
- молиявий комплаенс соҳасидаги масалалар;
- ҳукуқий комплаенс (due diligence) соҳасидаги масалалар;
- монополияга қарши қурашиш комплаенс соҳасидаги масалалар;
- этика масалалари;
- Жамият Кузатув кенгашининг ваколатларига тааллуқли бошқа масалалар.

2.2. Қўмита ўз ваколатига мувофиқ фаолиятни амалга ошириб, Жамиятнинг Кузатув кенгаши, Ижроия органи ва тегишли таркибий бўлинмалари билан ҳамкорликда иш олиб боради.

III. Қўмита ваколатлари

3.1 Жамият Кузатув кенгаши аъзоларига юклатилган вазифаларни бажаришда кўмаклашиш мақсадида, Жамият Кузатув кенгаши ваколатлари доирасида Қўмитага қуидаги ҳукуқлар берилади:

- Жамиятдаги коррупцияга қарши қурашиш ва этика масаларини таҳлил қилиш ҳамда Жамият Кузатув кенгашига ўз тавсияларини киритиш;
- Жамият Кузатув кенгашининг бошқа алоқадор қўмиталари билан ҳамкорликда жамиятнинг ички назорат ва комплаенс-аудит функциясини ривожлантириш, ушбу соҳадаги фаолият натижаларини таҳлил қилишда кўмаклашиш;
- Жамият хавфсизлигини таъминлаш функциясини ривожлантиришда кўмаклашиш, ушбу соҳадаги фаолият натижаларини таҳлил килиш;
- Жамиятнинг ички назорат ва комплаенс-аудит тизимининг мувофиқлиги ва самарадорлигини таҳлил қилиш;
- Умумий, молиявий, ҳукуқий, монополияга қарши қурашиш комплаенс ва этика масалалари оид ҳисботларни қўриб чиқиш ва жамиятнинг ушбу соҳалардаги фаолиятларини баҳолаш;

- Жамият ва унинг таркибидаги корхоналарда фирибгарлик, пора олиш ва амалдаги қонунчиликни жиддий бузиш ҳолатларини кўриб чиқиш;
- Жамият аҳлоқ кодекси талабларига риоя этилишини назорат қилиш;
- Жамиятнинг ички назорат ва комплаенс хизмати томонидан аниқланган қоидабузарликларни бартараф этиш бўйича чора-тадбирларни кўриб чиқиш ва унинг бажарилишини назорат қилиш;
- жамият ва унинг таркибидаги корхоналарда коррупцияга қарши тизимнинг ишлашишига кўмаклашиш;
- амалдаги коррупцияга қарши қонун ҳужжатларига мувофиқ чора-тадбирлар режаларини ишлаб чиқиш ва дастлабки келишишда иштирок этиш;
- Жамият Кузатув кенгашининг топшириғига биноан жамиятдаги раҳбар лавозимларига номзодларни тайинлашда уларнинг ишончлилигини дастлабки текширишда иштирок этиш;
- Жамият фаолияти самарадорлигининг муҳим кўрсаткичларини (КРІ) кўрсаткичларини келишишда қатнашиш.

IV. Қўмитанинг ҳуқуқ ва мажбуриятлари

4.1 Қўмита аъзолари ҳуқуқлари:

- Жамият Кузатув кенгашининг қарорлари ва кўрсатмаларининг бажарилишини назорат қилиш ва текшириш зарур ҳолларда амалий ёрдам, кўмаклашиш, тавсиялар бериш.
- Жамият Ижроия органи раҳбаридан ўз фаолиятини амалга ошириш учун зарур бўлган маълумотларни сўраш ва олиш.
- Қўмита бюджети доирасида ташқи эксперталар ва маслаҳатчилар хизматидан фойдаланиш;
- Қўмита мажлисларига ушбу Низомга мувофиқ учинчи шахсларни таклиф қилиш;
- Жамият Кузатув кенгashi муҳокамасига ушбу Низомга ўзgartiriш ва қўшимчалар киритиш бўйича таклифлар киритиш;
- Қўмита ваколатларини бажариши учун зарур бўлган бошқа ҳуқуқларни амалга ошириш.

4.2 Қўмита аъзолари мажбуриятлари:

- Қўмита ишида қатнашиш ва унинг мунтазам равишда ўтказиладиган барча йиғилишларида иштирок этиш;
- коррупцияга қарши курашиш ва этика соҳасидаги ва Жамият тараққиёти учун стратегик аҳамиятга эга бўлган бошқа соҳалардаги ютуқларни кузатиб бориш;
- расмий вазифаларини бажариш чоғида уларга маълум бўладиган барча маълумотларнинг маҳфийлигига риоя қилиш;

- Жамият Кузатув кенгашига мустақил аъзо мақомидаги ҳар қандай ўзгаришлар тўғрисида ёки Қўмита томонидан қабул қилинадиган қарорлар билан боғлиқ манфаатлар тўқнашуви юзага келиши тўғрисида ахборот бериш.

V. Қўмита таркиби ва уни шакллантириш тартиби

5.1 Қўмитанинг миқдорий таркиби камида 3 та аъзодан иборат бўлади.

5.2 Қўмитанинг шахсий таркиби жамият Кузатув кенгаши томонидан ўз таркибидан сайланади. Қўмита аъзоларини сайлашда уларнинг олган таълими, қасбий тайёргарлиги, Қўмита фаолияти соҳасидаги тажрибаси ва Қўмита аъзолари ўз вазифаларини бажариши учун зарур бўлган бошқа маҳсус билимлари эътиборга олиниши лозим. Қўмита аъзоларини сайлаш тўғрисидаги қарор жамият Кузатув Кенгаши аъзоларининг умумий сонининг оддий қўпчилик овози билан қабул қилинади.

5.3 Қўмита аъзолари чекланмаган маротаба сайланиши мумкин.

5.4 Қўмита аъзоларининг ваколат муддатлари Кузатув кенгаши аъзолари сифатида ўз ваколатлари муддатларига тўғри келади. Қўмита аъзоларининг ваколатлари Кузатув кенгаши янги таркибда сайланган кундан бошлаб тўхтатилади. Қўмитанинг ҳар қандай аъзосининг (барча аъзоларининг) ваколатлари Кузатув кенгаши қарори билан муддатидан олдин бекор қилиниши мумкин.

Кўмита таркибидаги ўзгаришлар Кузатув кенгаши томонидан исталган вақтда амалга оширилиши мумкин.

5.5 Қўмита аъзолари Кузатув Кенгаши раиси номига ариза ва бир вақтнинг ўзида Қўмита раисига билдиришнома юбориш орқали истеъфога чиқишилари мумкин.

5.6 Қўмита аъзосининг ваколатлари ўз хоҳишига кўра истеъфога чиқкан бўлса, Жамият Кузатув кенгаши кейинги йиғилишида, лекин Қўмита аъзосини ўз ваколатларидан истеъфога чиқиши тўғрисида ариза берган санадан 1 (бир) ойдан кечиктирмай, Қўмитанинг янги аъзоси сайланади, бунга қадар Қўмита аъзоси ўз вазифаларини тўлиқ бажаришда давом этади.

5.7 Қўмита аъзосининг ваколатлари Кузатув кенгаши томонидан бекор қилинса, ваколатлар бекор қилинганидан сўнг 2 (икки) хафта ичida Қўмитанинг янги аъзоси сайланади.

5.8 Қўмитанинг янги яъзоси сайланганидан сўнг, Қўмита раиси 1 (хафта) ичida Қўмитасининг янги аъзоси билан учрашади ва уни Қўмита ваколатлари ва ишлари билан таништиради.

5.9 Қўмита аъзоларига Кузатув кенгаши томонидан тавсия этилган, ҳамда Жамият акциядорлари умумий йиғилишида маъқулланган миқдор ва тартибларда ҳақ тўланади ва / ёки ўз вазифаларини бажариш билан боғлиқ

харжатлар қопланади.

5.10 Кўмита раиси Жамият Кузатув Кенгаши томонидан тайинланади ва Кўмита ишини ташкил этади.

5.11 Кўмита раиси:

- Кўмита фаолиятини ташкиллаштиради;
- Кўмита йиғилишларини чақиради ва уларга раислик қилади;
- Кўмита аъзолари ўртасида бурчларни тақсимлайди;
- Кузатув кенгаши мажлислари режасини ҳисобга олган ҳолда жорий давр учун иш режасини ишлаб чиқади;
- Кўмита мажлисларини чақиради, уларга раислик қилади ва йиғилиш баённомасини юритишни ташкил этади;
- Кўмита фаолияти тўғрисида Кузатув кенгаши олдида ҳисбот беради;
- Жамиятнинг ички ҳужжатлари ва ушбу Низомда назарда тутилган бошқа ҳаракатларни амалга оширади.

5.12 Кўмита раиси Кўмита тавсияларини ўз вақтида Кузатув кенгаши аъзолари эътиборига етказиш, шунингдек, берилган тавсиялар бажарилиши устидан мониторингини олиб боришга жавобгардир.

5.13 Кўмита раиси вақтинча йўқ бўлганда унинг вазифалари Кўмита аъзоларидан бири томонидан амалга оширилади.

5.14 Кўмита ишини ташкил этиш учун Жамият комплаенс хизмати бошлиғи Кўмита котиби этиб тайинланади.

5.15 Агар Жамият Кузатув кенгаши Кўмита котибини тайинлаш тўғрисида қарор қабул қилмаган бўлса ёки илгари тайинланган котиб бирон сабабга кўра ўз вазифаларини бажара олмаса, Кўмита раиси жамиятнинг комплаенс хизмати ходимлари орасидан ёки Кўмита бошқа аъзолари орасидан котибни тайинлайди.

5.16 Кўмита котиби:

- Кўмитанинг йиғилиши баённомаларини юритади ва тузади;
- Кўмита йиғилишларига тайёргарликни (йиғилиш учун материалларни ийғади ва тизимлаштиради, Кўмита аъзолари ва таклиф этилган шахсларга Кўмита йиғилишини ўтказиш тўғрисида хабарномани ўз вақтида юборади, йиғилиш кун тартибини, кун тартибига киритилган масалалар бўйича маълумотларни тайёрлайди, Кўмита қарорлари лойиҳаларини тайёрлайди, шунингдек барча тегишли материаллар сақланишини таъминлайди) амалга оширади;
- Кўмита фаолиятини ташкилий ва ахборот билан қўллаб-қувватлашни, Кўмита аъзоларининг Кузатув кенгаши ва Жамият мансабдор шахслари билан ўзаро ҳамкорлиги ва тезкор ишлашини таъминлайди.

VI. Қўмита мажлисларини ўтказиш шартлари ва тартиби

6.1 Қўмита мажлислари Қўмита томонидан тасдиқланган режага мувофиқ, лекин Қўмита аъзоларининг ваколат муддати давомида камида 4 (тўрт) та йиғилиш ўтказилади. Қўшимча йиғилишлар керак бўлганда чақирилиши мумкин.

6.2 Қўмита мажлислари Қўмита аъзоларининг биргаликда иштирок этиши ёки сиртдан овоз бериш шаклида ўтказилади. Қўмита фақат Қўмита аъзоларининг биргаликдаги иштироки шаклида кўриб чиқилиши керак бўлган масалалар рўйхатини тасдиқлаши мумкин. Ушбу қарор Қўмитанинг барча амалдаги аъзолари томонидан бир овоздан қабул қилинади.

6.3 Қўмита йиғилишлари Қўмита раиси томонидан унинг ташаббуси билан, Қўмита аъзосининг талабига биноан ёки Жамият Кузатув кенгаши қарори билан чақирилади. Қўмита раиси билан келишилган ҳолда Қўмита котиби Жамият Бошқарув аъзолари талабига биноан Қўмита йиғилишини чақириши мумкин. Қўмитанинг навбатдан ташқари йиғилишини чақириш талаби бўлган тақдирда, Қўмита раиси 5 (беш) иш куни мобайнида Қўмитанинг навбатдан ташқари йиғилишини чақириши шарт.

Қўмита йиғилишида иштирок этувчи барча аъзолар томонидан имзоланган баённома билан расмийлаштирилади.

6.4 Қўмита йиғилишларига тайёргарлик Қўмита раиси назорати остида Қўмита котиби томонидан амалга оширилади. Қўмита котиби Қўмита аъзолари зарур маълумотларни олишларини таъминлайди ва Қўмитанинг барча аъзоларига йиғилиш вақти ва жойини, шунингдек кун тартибидаги ҳар бир масала учун барча зарур материалларни илова қилган ҳолда йиғилиш кунидан

5 (беш) иш кунидан кечиктирмасдан дастлабки хабарномани юборади. Хабарнома Қўмита аъзолари учун қулай бўлган ҳар қандай шаклда амалга оширилади: телефон, факс, одатий ёки электрон почта орқали.

6.5 Қўмита йиғилишининг кворуми унинг миқдорий таркибининг 2/3 қисмини ташкил этади.

6.6 Масалаларни ҳал қилишда Қўмитанинг ҳар бир аъзоси бир овозга эга. Қўмита аъзоси томонидан бошқа шахсларга, шу жумладан Қўмитанинг бошқа аъзоларига овоз бериш хукуқини берилишига йўл қўйилмайди.

Қўмитанинг қарорлари йиғилишда иштирок этувчи аъзоларнинг оддий кўпчилик овози билан қабул қилинади, ушбу Низомда назарда тутилган ҳоллар бундан мустасно.

6.7 Қўмита аъзоларининг овозлари teng бўлган тақдирда, йиғилишда раислик қилувчи Қўмита аъзосининг овози ҳал қилувчи аҳамиятга эга.

6.8 Қўмита аъзоси йиғилишда иштирок эта олмаса, у муҳокама

қилинаётган масала юзасидан ўз фикрини ёзма шаклда ёки жамиятда умумэътироф этилган электрон ҳужжат айланиш тизими орқали юбориш хуқуқига эга. Мазкур фикр Кўмита йиғилишида кўриб чиқилади ва йиғилиш баённомасига қўшиб қўйилади.

6.9 Кўмита томонидан кўриб чиқилаётган масалаларнинг ўзига хос хусусиятларини ҳисобга олган ҳолда, Кўмита аъзоси бўлмаган шахслар Кўмита мажлисларида фақат Кўмита қарори билан ёки унинг раиси таклифига биноан иштирок этади.

Кўмита йиғилишларида Кузатув кенгаши ва Жамият Бошқаруви аъзолари ва бошқа мансабдор шахслари (ходимлари) иштирок этиши мумкин. Зарурат бўлса, Кўмитанинг ишига учинчи томон мутахассислари ва маслаҳатчилари вақтинчалик ёки доимий равишда жалб қилиниши мумкин.

Таклиф этилган шахслар Кўмита ваколати масалалари бўйича қарорлар қабул қилишда Кўмита йиғилишининг кун тартиби масалалари бўйича овоз бериш хуқуқига эга эмас.

VII. Жамият органлари ва бошқа шахслар билан ўзаро ҳамкорлик

7.1 Кўмита аъзолари ишини самарали ташкил қилиш учун зарур маълумотлардан фойдаланиш имкониятига эга бўлиши керак, бунинг учун, Жамият ижроия органлари аъзолари, Жамият Кузатув кенгаши котиби, Жамият таркибий бўлинмалари раҳбарлари, шунингдек Жамиятнинг бошқа ходимлари, Кўмита илтимосига кўра, тегишли вақт ичида ва тартибда Кўмита фаолияти бўйича тўлиқ ва ишончли маълумот ва ҳужжатларни тақдим этиши шарт.

Ахборот ва ҳужжатларни тақдим этиш тўғрисидаги сўров Кўмита раиси томонидан имзолангандан ёзма шаклда амалга оширилади.

Сўралган маълумотлар ва ҳужжатлар Кўмита котиби орқали Кўмитага тақдим этилади.

7.2 Зарур ҳолларда Кўмита фаолияти субъектининг айрим масалаларини қўриб чиқиш учун Кўмита аъзолари томонидан Кўмита ишига зарур касбий билимга эга бўлган мутахассислар ва эксперталар жалб этилиши мумкин. Кўмита ишига эксперт ва мутахассисларни жалб этиш тартиби ва шартлари Жамиятнинг бундай шахслар билан тузган шартномасида белгилаб қўйилади.

VIII. Кўмита бюджети.

8.1 Кўмита фаолиятини таъминлаш мақсадида тегишли давр учун Жамият умуний бюджетининг ҳаражатлар қисмини шакллантиришда маслаҳатчиларни жалб этиш ва уларнинг хизматларига ҳақ тўлаш бўйича

потенциал заруратни ҳисобга олган ҳолда Қўмита ҳаражатларининг алоҳида моддаси тақдим этилиши мумкин, унинг миқдори Жамият Кузатув кенгаши томонидан тасдиқланади.

8.2 Бундай зарурат туғилган тақдирда, Қўмитанинг кейинги йил учун бюджети миқдори бўйича таклифлар Жамиятнинг умумий бюджетини шакллантириш чора-тадбирлари доирасида жорий йилнинг 4-чорагида Кузатув кенгашига кўриб чиқиши учун киритилади.

8.3 Маслаҳатчиларни ишга жалб этиш ва уларнинг хизматларига ҳақ тўлаш Қўмита бюджетида назарда тутилмаган қўшимча маблағлар ҳисобидан Жамият бошқарув раиси томонидан Кузатув кенгашининг алоҳида қарори билан ташкил этилади. Мазкур масалани Кузатув кенгаши кўриб чиқишига киритиш Қўмита раиси ташабbusи билан амалга оширилади.

8.4 Кузатув кенгашининг қарори билан тегишли йил охирида Қўмита раиси Кузатув кенгашига кўрсатилаётган хизматларнинг батафсил тавсифи ҳамда хуносалар ва тавсиялар иловаси билан маслаҳатчиларни жалб қилиш учун маблағларнинг сарфланиши тўғрисидаги маслаҳатчилар томонидан таёrlанган ҳисботни тақдим этади.

8.5 Акциядорларнинг умумий йиғилишининг қарори билан ҳамда амалдаги меъёрий ҳужжатларга мувофиқ Жамият Кузатув кенгаши аъзоларига, Раисга, Қўмита аъзоларига ва Қўмита котибига ҳақ ва компенсация тўлаш тартибга солувчи амалдаги меъёрий ҳужжатга мувофиқ улар ўз вазифаларини бажарган даврда, Қўмита аъзоларининг функцияларини бажарганликлари учун ҳақ тўланади.

IX. Жамият бошқарув органлари ва бошқа таркибий бўлинмалар билан алоқадорлиги

9.1 Қўмита аъзоларининг самарали фаолиятини таъминлаш учун зарур бўлган маълумотлар ва ҳужжатлар Қўмита котиби орқали тақдим этилади. Ахборот ва ҳужжатларни тақдим этиш талаби ёзма шаклда Қўмита раиси томонидан имзоланади.

9.2 Зарур ҳолларда Қўмита ишига Қўмита ваколатига кирувчи айrim масалаларни кўриб чиқиш учун зарур касбий билимга эга бўлган эксперталар ва мутахассислар жалб этилиши мумкин. Қўмита ишига эксперталар ва мутахассисларни жалб қилиш тартиби ва шартлари Жамият томонидан бундай шахслар билан тузилган шартномада белгиланади.

X. Маълумотларнинг маҳфийлиги

10.1 Қўмита аъзолари ва котиби Қўмита фаолияти давомида уларга маълум бўлган инсайдер ва бошқа маҳфий маълумотларни ошкор қилишга

ҳақли эмас ва уларни ошкор этилиши бўйича шахсан жавобгар бўлади. Жамият инсайдери ёки жамият олдида маҳфийлик мажбуриятлари билан боғлиқ бўлмаган Қўмита йиғилишларида иштирок этадиган учинчи шахслар олдиндан Жамият билан инсайдерлик ва бошқа маҳфий маълумотларни ошкор қилмаслик тўғрисидаги битимни имзолашлари шарт.

XI. Қўмита аъзоларининг жавобгарлиги

11.1 Қўмита аъзолари Ўзбекистон Республикасининг амалдаги қонунчилигига Кузатув кенгаши аъзоларининг жавобгарлигини тартибга солувчи нормаларга мувофиқ жавобгар бўладилар.

XII. Якуний қоидалар

12.1 Ушбу Низом жамият Кузатув кенгаши томонидан тасдиқланган кундан бошлаб кучга киради.

12.2 Ушбу Низом, шунингдек унга киритилган барча қўшимча ва ўзгартишлар Жамият Кузатув кенгаши аъзолари умумий сонининг кўпчилик овози билан Жамият Кузатув Кенгаши томонидан тасдиқланади.

12.3 Агар ушбу Низомдаги қоидаларидан бири ўз кучини йўқотган бўлса, бу Низомдаги бошқа қоидаларни тўхтатишга сабаб бўлмайди.

12.4 Ушбу Низомда тартибга солинмаган барча масалалар Жамият Устави, «Жамият Кузатув Кенгаши тўғрисида»ги Низом ва Жамиятнинг бошқа ички қоидалари ва амалдаги қонунчилик билан тартибга солинади.

12.5 Агар Ўзбекистон Республикасининг амалдаги қонун ҳужжатлари ёки Жамият устави билан ушбу Низомда назарда тутилганидан бошқача қоидалар белгиланган бўлса, Ўзбекистон Республикасининг амалдаги қонун ҳужжатлари ва Жамият устави қоидалари қўлланилади.